

## San Judas

### San Judasne An Pinkih Para

San Judasne an pinkih kwizta Cristora nijkulturuza panamtu, kwail kamtamtuza miamanpa, uspa ininnamtu aizpa kiamanpa (1-16). Kwiztane Judasne Cristora nijkulturuza ininnamtu, Dios Sinam Izpul akwa an tinta namanapa, Anpat amtu payura tiriznakima (17-23). Minpa usne Diosta kwisha wari kitzu (24-25).

#### *Kakishapu kitzu*

<sup>1</sup> Nane Judas mun ish. Jesucristowa kal kim-tumika ish. Santiago aimpihsh ish. Au Taitta Dios pashimturuz an pinkih panamtus. Jesucristone usparuza akwanat kit iznamtu. <sup>2</sup> Nane u akwa Diosta paikumtus, kwisha akkwan wat kiwainanapa, Dioskasa kalpain uzanapa, uruza an pashinanapa.

#### *Pirail kamtamtuz (2 P 2.1-7)*

<sup>3</sup> Na pashimturuz, mirain. Dios au kwail kiarit aizpa sinam sanarit akwa, nane uruza pinkih pana mintuarau, Dios au akwa kirit aizpa an wat piankamanapa. Sunkana mane nane uruza pinkihta pat ininnarawaish. Uruza paikwatpas, u Dios pit nijkultu aizpa watsaanapa, mamaz nakaamanpa. Diosne paña pitta nijkultumikasha chihkanara. <sup>4</sup> Minpazha awaruzne u uzkin puintain napparit, uruza pirail kizanapa. Ñamin Dios pit ka parit: “Sun awane, nijkultuchiruzne,

naizat kit wan kaarinazi.” Dios usparuza wat ki-wainashimtukas, sun Diosta pianchiruzne pailta payukima wan chiwal kwail kishiara. An Diosta, katsa ininmikara, chinkas miashitchi. Au Anpat Jesucristora pianchimakpas kizamtu.

<sup>5</sup> Mane u sun pit wat piankas, nane mamasa sun kwinta níjkulninnashimtus. Anpat Israel awaruza Egipto sukis ukkanarawane, Anpatne níjkultachiruza kawal kinarít. <sup>6</sup> Akkwan ángeltuz uspa kal chiyura kiarít aizpa chihkaarít akwa, Diosne tas kwayarít. Mane Diosne usparuza tilkwilta kuhtit mij, uspa naiztu payukima. <sup>7</sup> Une Dios ángeltuza kinarít aizpa pian. Kawarain, usne Sodoma pipulura uztuzakas Gomorra pipulura uztuzakas pipulu makin uztuzakas kinarít. Sun awaruzne u pipulukin uztuzkana chiwazha ashampa pizat kit uspakasa pittamtu. Mamaz usparuztas ampuruzpain ashampakanain pittamtu. Diosne sun pipulukin uztuza impaktanara, sunkana kwail kimtuz pailta payukima naizariñazi piankamanapa.

<sup>8</sup> Sun awaruzkanain nilchi kamtamturuzne kwailpa kainkizpamtu uzamtu. Paiña ñakasain kwail kininnantu. Dios aumíza ininnarachi kizamtuasmin, uspane katsa ininmikasha kwail paraamtu. <sup>9</sup> Katsa ángel ininmumikane, Miguelne, Diablorasa usparuzpain Moisés irít ñawa tinta parara. Miguelne Diablorá “kwisha kwail kit” kizshitchi. Sunmin ka kizta: “Diosne nua tinta kurun kit ilnazi.” <sup>10</sup> Uspane uspa chiwazha pianchi aizpa kwail paraamtu. Kalpane us mintuchi aizpa wan kimtu. Sun awaruzne kalpanakanain uspa kishiamtu aizpa kiamtu, minñarachin. Suasne us-

pane wan kaarinazi.

<sup>11</sup> Sun awaruzne kwisha naizarinazi. Caínpa kwail kit aizpakain kiamıztu. Pial kana kimtu akwa, uspane Balaamkana kwail kiara. Sun nilchi kamtamtuzne Corékanain wan chiwal kaarinazi, Dios ininta aizpa kiamtuchi akwa. <sup>12</sup> Sun awa u pishta izna aakane, uspane u uzkin njikultachin kuamtu, mitsal kitchin. Usparuzpain naiyat kit kuamtu. Mamaztuza naiyamtuchi. Chiwazha uspa kiamtu aizpa kain i. Inkwa miltuasmin, uspane wanish alukasachikanain mai. Uspane pippa wanachi tikanain mai. Ti pulparikane, kwarim. Ti mujtitkas puhstím. Uspane sun tikanain mai. <sup>13</sup> Inkwa pira tinta nuppaintawane, uspa mitsal kwail kiarit aizpa putchã pi suhkanain mai. Uspane kima kwiritkanain mai. Diosne usparuza tilkwilta pailta payukima kuhnariit mijananazi.

<sup>14</sup> Adánpa pampa pashpa kawiara. Seis kwal kawiawane, Enocne kawira. Usne Dios ussa inintu aizpa ka kainara: “Anpatta iztau. Usne kwisha akkwan ángelkasa aanazi. <sup>15</sup> Wan awaruza ‘kwail kiari’ kiznanazi, wan kwail awaruz kwail kiarit aizpa piankamanapa. Uspa kwail kal kiashimtu aizpa minñamtuasmin, sun Diosta pianchiruzne Diosta aliz pararit.” <sup>16</sup> Uspane kutkuat kit watsal uzamtuchi. Chiwazha kwail kin pashiamtu aizpa kiamtu. Pit parakane, uspane “wan pianmakpas” minñamtu. An katsamikara an watsal pit paraamtu, uspa pashimtu aizpa kianapa.

*Kurunta aizpa*

**17** Na pashimturuz, m̄irain. Au Anpat Jesucristowa īnintaruz kaizta aizpa n̄ijkularain.

**18** Ka kizara: “Minpa payura kwailtuzne Dios īninta aizpa kiashimanazi. Wan tuntu kwail minñashimtu aizpa kianazi.” **19** Sun awaruzne wantuza paimpá īninnamtu. Apas awakanain minñamtu akwa, uspane Dios Izpulta pianchimanazi.

**20** Na pashimturuz, m̄irain. Dios kaizta aizpa n̄ijkulara akwa, une uruza an t̄inta kulninnarain. Diosta paikukane, S̄inam Izpulne uruza kiwainanazi, nil paikuana. **21** Dios aumiza pashinamtu akwa, aune us kaiztu aizpa n̄ijkulm̄iztawamakpas. An Anpat Jesucristone aumiza wat kiwainanazi. Us kailtu payu taizka, aune uskasa pailta payukima uzanawas.

**22** We n̄ijkulturuza kiwainat kit kurunarain, ñanta kwail kiamanpa. **23** Mamaztuza īntas ukkanarain, ñ̄nta pakkamanpa. Mamaztuza wat kiwainarain. Uruzmin kwira kirain, uspa kwail kiāntu aizpa piankamamanpa. Uspa kwail kiarit aizpa pil p̄inkanain iztit mai. Uspa pil p̄in akwa sasachi, pil pusmanpa, uspa kwail nua kwakmanpa.

### *Minpa Pit*

**24-25** Au Diosne, maza Dios i. Au kwailtas watsammikane aumiza kiwainshinai, kwail kiamanpa. Aumiza kwail s̄inam sarit akwa, Diosne paína kai iztukin aumiza miñashinanazi, us iztukin watsal kulanapa. Au Anpat Jesucristo akwa, aune Diosta “kwisha wari” kiztawamakpas. Usne, katsa īninmikakanain wantuza pailta payurakima īninnanazi.

San Judas 24-25

v

San Judas 24-25

Pailti.

## **Masas Pit Jesucristowa New Testament in Awa-Cuaiquer**

copyright © 2002 Wycliffe Bible Translators, Inc.

Language: Awa-Cuaiquer

Translation by: Wycliffe Bible Translators, Inc.

### **Copyright Information**

© 2002, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Awa-Cuaiquer

**© 2002, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
541a20ee-1de1-55f8-8b77-cbcd160a1567